

ՔԱԿՈՒՆՅՈՒՄԱՆ ԳՐԱԿԱՆՈՒԹՅԱՆ ՄԵՋ

Ա. Գ. ԶԱՐԱՐՅԱՆ

Հին խոսք է՝ յուրաքանչյուր իսկու կան գրող ունի իր աշխարհը, և այդ աշխարհի տեսանկյունից է ներկայացնում իր ժողովրդին, նրա կյանքը: Այդ աշխարհը ձևավորվում է ժողովրդի բախտի, սրտակի իրադրությունից, որը որպես ոգի, որպես էություն արտահայտվում է գրողի ստեղծագործության մեջ, որոշում գրողի ուղին, նրա ստեղծագործական կետ-նպատակը:

Հայ գրականության ն կուլտուրայի գործիչների մի ամբողջ սերունդ, այդ թվում և Ակսել Բակունցը, այդ է բացել հայ ժողովրդի վերջին օրհասին, երբ ժողովուրդը բնաջնջվում էր և ասես, պետք է դադարեր գոյություն ունենալուց:

Այդ պաշտոններում են ամենագեղիչ երազն ու սիրունահին նույնանում Հայրենիք հասկացողության հետ, լուծվում նրա մեջ, այդ մղձավանջից է ծնվում աստանդականի տագնապն ու թախծորդ, Տերյանի և Ն. Զարենցի պոեզիայում, այդ օրերին են սնունդ առնում Ակ. Բակունցի գրական ստաջին փորձերի («Աշուտ», «Եղիթ», «Անտառում») երկմտանքն ու խռովված մարդու, խռովված բնության մորմուքը:

Սակայն չնչպես իր դարավոր պատմության բոլոր օրհասական պահերին, այս անգամ էլ է պրկվում հայ ժողովուրդը, բայց արդեն սկզբնական հորձանուտի մեջ, կրկին բնթացք է առնում նրա կենսունակությունը՝ չափափակ համար իր հոգևոր ուժը, գոյության իրավունքը արևի տակ:

Այդ պրկումից է ծնվում արևին հասնելու շարենցյան տենչանքը, այդ պրկումից և այդ պահին է ծնվում նաև բակունցյան անհագուրդ սերը հայրենի երկրի և ժողովրդի հանդեպ: Սեր, ակնածանք հարազատ ժողովրդի տոկունության, հոգևոր զեղեցկության հանդեպ, որն ի վերջո դառնում է նրա ողջ ստեղծագործության ստանցքը:

Մի կողմից պատմական ամենաանարդար ճակատագիր, մյուս կողմից մարդկային այնպիսի բնավորություններ, որոնց չի կարող ծնկի բերել, մարդկայնորեն նվաստացնել ու բանտել անգամ ամենախարդախ ճակատագիրը՝ Ազգային, սոցիալական, մարդկային ճակատագիր, որի համար, թվում է, ավելի բնորոշ համեմատություն չես գտնի, բացի «Մթնածոր»:

«Մթնածոր» Բակունցի մուտքն է գրականության մեջ՝ հաստատուն, իր ակունքներով օրինաչափ:

Մթնածորից, մթնածորով թևակոխեց հարազատ ժողովուրդը նոր կյանք, նոր աշխարհ, և Բակունցը բնթացավ նրա հետ: շարունակեց նրա տարեգրությունը դառն ու ողբերգական, էպիկական նոր սկզբի իրական շնչով և երանգներով, մշտապես մնալով հավաստի իր զեղարվեստական բոլոր վկայություններում:

«Միրհավ», «Լառ Մարգար», «Ալպիական մանուշակ», «Խոնարհ աղջիկը», «Մթնածոր», «Հարբը», «Գյուլբահարի համար», «Միրանի տափ», «Մրոց» — սրանք գործեր են, որոնց մեջ խտացված է ժողովրդի կյանք և հոգեբանություն:

Պատմվածքից-պատմվածք, պատկերից-պատկեր հյուսվում են մարդկային տարրեր ճակատագրեր՝ յուրովի դժբախտ կամ անդոր, յուրովի տոկուն ու համառ Բայց, որքան էլ տարբերակ թվա, Բակունցի ստեղծագործության համար կական է ոչ միայն այս արբերությունը:

Այստեղ է ահա, որ Բակունցի ստեղծագործությունն իր ակունքներով ուղիղ գծով մոտենում է հայ բանաստեղծության տրագիդիաներին և ամենալավագույն իմաստով հայ արձակի մեջ բերում նոր հատկանիշներ, հարստացնում այն:

Հայտնի է, որ համաժողովրդական աշխարհագրաման խտացման իմաստով կլասիկ արձակը չհասավ պոեզիայի թումանյանական և իրահայնական բարձունքին: Չհասավ, բայց այդ էր նրա դարդացման ճանապարհը, և Ակսելը իր առաջին իսկ ժողովածուով բնթացավ այդ ճանապարհով:

«Մթնածորով» հայ արձակի մեջ հաստատապես մուտք գործեց այն անիմանալի, անբացատրելի երակր, թելը, որով մեծ Թումանյանի խորապես տարբեր, խորապես ինքնատիպ հերոսները իրար են զալիս, հավաքականանում՝ նշանավորելով համաժողովրդական աշխարհագրացում, ազգային հոգեբանություն:

Այստեղից՝ բակունցյան արձակի առանձնահատկությունները տրադիցիոն արձակի համեմատությամբ: Թեթևանում է ներհակությունների և դավերի բեռը երկում, փոխվում է կերպարների՝ դրական և բացասական, հարաբերակցությունը, նրանց փոխհարաբերությամբ, հակազդող գործողություններով հոգեբանություններ բացահայտելու ավանդական սխտեմը: Մարգ (դրական) և մարգ (բացասական) հարաբերակցությունը մղվում է երկրորդական պլանի վրա: Առաջին պլանի վրա երևան է զալիս մարդ և աշխարհ, մարդ և մարդկային ճակատագիր հարաբերակցությունը, որտեղ հոգեբանություն արտահայտելու հիմնական ծանրությունը կրում է նույն այդ մարդը՝ իր վերաբերմունքով աշխարհի, նրա բազմազան շարի ու բարու, նրա ամենատարբեր երևույթների նկատմամբ՝ ամենատարբեր պարագաներում:

Ավելի կոնկրետ ասած՝ հայ գյուղացի և աշխարհ. աշխարհ իր ամենալայն իմաստով, արտաբերին հայացքից հայ գյուղացու հետ ոչնչով չառնչվող ամենարագմապիսի ոլորտներով, իրադարձություններով: Հայ գյուղացի և բնդարձակ աշխարհի իրադարձություններով պայմանավորված հայ գյուղացու ճակատագիր, վերաբերմունք, աշխարհագրացում, գեղարվեստական, կառուցվածքային առումով ճիշտ նույնպիսի հարաբերակցությամբ, ինչպես առնչվում, հարաբերվում է, ասենք, գյուղացի Համբույի բնտանիքը անիրավ աշխարհին, իշանքի, ճակատագրի, հոգեբանության, վարքագծի բոլոր նրբերանգներով, բոլոր մանրամասներով, այդ մանրամասների ներդաշնակ ամբողջականությամբ:

Այս է բակունցյան լավագույն պատմվածքների, ոչ միայն «Մթնածորով» տեղավորված, այլև նրանից հետո ստեղծված՝ «Նամակ ռուսաց թագավորին», «Սպիտակ ձին», «Եղբայրության ընկուզենիները», — կառուցվածքային սխտեմը, գեղարվեստական էությունը:

Հառ Մարգար՝ նրա ճակատագիրը աշխարհի ճամփերին, առանց դրական կամ առավել ևս բացասական որևէ միջնորդի, լառ մարգարյան աշխարհում բռնում: Արթին պապ, նրա և նրա բնտանիքի ճակատագիրը՝ աշխարհի ամենամեծավոր և հեռավոր անկյուններից եկող ազդակներով, այդ ազդակները շար ու լարի, իր բոլոր նյարդերով, վարքագծի բոլոր նրբերանգներով անդրադարձնող Արթին պապի հոգեբանություն, աշխարհագրացում:

Ավելի պարզ պատկերացնելու համար բակունցյան գործերի այս կառուցվածքը, դիմենք «Մթնածորի» առանձին գործերին:

Ավանդական իմաստով համարյա արտաբերին գործողություն չունի Բակունցի «Մթնածորի ճարը» պատմվածքը: Քաղաքից եկած կնոջ և Սարանի միջև այստեղ չես գտնի շոշափելի փոխհարաբերություն, հակազդող ճարը, գործողություն կամ բախում: Կա քաղաքից եկած կին և նրա հանդեպ Սարանը, ինչպես ասենք կան լեռներ, անդնդախոր ձորեր և դրանց մեջ լուռների Սարան՝ Թումանյանի պոեմում: Պատմվածքի իմաստային ողջ գործողությունը մարմնավորում է Սարանը՝ հանդիպակաց օբյեկտն զգալու իր կարողությամբ, իր հոգևոր ներխուժումով:

Ծավալվում, բորբոքվում է Սարանի վերաբերմունքը, և պապերի պատմած շարքերի կերպարանքն է բնդունում քաղաքից եկած կինը՝ կրկնակոխ հետապնդող, անբաժան և արբեցնող: Սեր չէ նրա ապրածը, որ միշտ էլ նշանակում է ոչ սովորական վերաբերմունք, նրա զգացածը վեր է ամեն մի հավիշտակությունից, սիրուց: Խելահեղ մի արբեցում է դա, նման հարևան ծերունու պատմածին, երբ ձորի գլխին շարքերը հետապնդել են նրան, և ինքը խելագար վազրով ոչ մի կերպ և ոչ մի տեղ չի կարողացել ազատագրվել նրանցից:

Տարբեր է սիրուց, սիրահարված մարդու հոգեբանությունից, ինչպես տարբեր է, այլ է Սարույի խելագարությունը բնության ամենագեղուն ընկալումից: Այդ տարբերությունն էլ ահա հենց այն է, ինչ Սարանի ապրածը սիրո հոգեբանությունից դարձնում է աշխարհագրացում, աշխարհագրացում իր բոլոր բարդ հանգույցներով, իրարամերժ տարրերով և ներդաշնակությամբ:

Չհասկացված բնություն, և ահա շարք է այն մարդու՝ Սարույի համար, որ դուրսում է, տանում ու կործանում: Չհասկացված քաղաքակրթություն, քաղաք, քաղաքի մարդ՝ շարք է թվում Սարանին, անհասկանալի, անհասանելի, նույնիսկ վիրավորող, բայց և անբաժան ցանկալի, ցնորքի պես դուրսում:

Երկարամյա թշնամանքից հետո՝ անհասկանալի, բայց անբաժան ցանկալի. այս աստիճանին էր հասցրել սովետական մի քանի տարիների կյանքը: Հայ գյուղացու վերաբերմունքը քաղաքի նկատմամբ, Այդ առաջին հերթին նշանակում էր հայ գյուղացու ուժ, նոր, անծանոթ աշխարհներ

նվաճելու հոգու խոյանք, և Ակսելը հաստատում է այդ ուժը, հաստատում է չորսովի՝ համոզված, բայց խանդաղատանքով: Խանդաղատանք այն բանի համար, որ այդ ուժը մի տեսակ անհնարին հրաշք է խոշտանգված հայ գյուղացու վիճակում, բայց այդ կա և այն էլ՝ այդօրինակ առինքնող առնականությամբ:

Հեղինակային ընդգծված վերաբերմունք իր հերոսների ճակատագրի նկատմամբ. գերազանցապես սեր, խանդաղատանք, ակնածանք հայ գյուղացու, հայ ժողովրդի կենսունակության հանդեպ. Այս էլ արդեն Բակունց արվեստագետի մեկ այլ հատկանիշն է դարձյալ հայ պոեզիայից սերած, նրա ստեղծագործությունների կառուցվածքից բխող, այդ կառուցվածքը պայմանավորող:

Այդ վերաբերմունքով է մահու ճամփա անցած Լառ Մարգարր ջրի կարգ պահպանողի իր ամենաառօրյական զրադմունքի պահին ստանում գյուղացուական կերպարանք, իր արդարամբաությամբ Դավթին հիշեցնող, ասես Դավթի զարմից: Դրանով է Խոնարհ աղջիկը՝ հայ հասարակ գեղջկուհին, բաղձանի տանջալից պահին ոգիանում, չթեղ գեղատուփ և գլխաշորով դառնում անըջալին արարած՝ դյուլիչ ու գերող, այնքան բանաստեղծական, որ, ասես, նրա շրթերին է հյուսվում կոմիտասյան երգը:

Խոնարհը բակունցի սերն է՝ անմոռանալի, անաղարտ: Մեր, որ արժանապատվությամբ է մտաբերվում նույնիսկ այն դեպքում, երբ Խոնարհից մնացել էր միայն աչքերի փայլը, երբ, կարծես, նա բոլորովին զրկվել էր բանաստեղծական վաղեմի շուրթից և դարձել սոսկ իր երեխաների համար ողբալով հաց աղբաբող կին, մայր: Այդ սիրով Ակսելը, ասես, նորից է վեճի բռնվում «Ալպիական մանուշակի» իր հերոսի՝ նկարչի հետ, որը նկարեց հայ գեղջկուհուն՝ մանիշակագույն աչքերով, օջախի առջև չորած: Նկարեց, որովհետև գեղջկուհին հիշեցրեց նրա վաղեմի սիրած կնոջը՝ հովանոցով, թավշե գլխարկով, վրեն փնտրուներ: Հիշեցրեց, և միայն դրա համար նկարեց նկարիչը: Մինչդեռ Խոնարհը հենց իրեն պատմողի, բակունցի սերն է. ոչ որի նա չի հիշեցնում, իրենից բացի, և այդ նույնիսկ իր կյանքի ամենաողբալի, ամենաառօրյացից պահին, իր նախնին և առկա վիճակի ամենածալրահեղ հակադրությամբ մեջ:

Եվ վերջապես Ակսելի վերաբերմունքով է այդքան թրթռուն Դիլան դային (սիրահար): Կյանքի հետ զեմ առ զեմ, և կյանքն իր օրերով ուր որ է պիտի հաղթի նրան. ուրբ մյուս աշխարհում, ստիպված է փակել հաշիվները այս աշխարհի հետ: Եվ ահա վերհիշում է Դիլանին իր կյանքը, վերհիշում է փակելու համար այն. Փակում է, բայց ասես նոր է սկսում, ավելին, ասես Փարվանա հրաբորտը կտրիճներին է ինքը. սլացել է բերելու անշեջ հուրը, բերել է, ձեռքին է, բացկտացող ու վառվռուն, և ահա ուր որ է պիտի պարզի, և չկա սիրած Սոնան: Մամոռսել է Սոնայի գերեզմանաբարը, բայց աշխարհը մի ակնթարթում դառնում է Սոնա, լցվում նրա համայններով՝ կախարհիչ ու արբեցնող: Ասես հիմա, հենց հիմա է խնդրում Սոնային խնայել իրեն, ասես հիմա, հենց հիմա է ուրիշի կենցաղը Սոնան, և իր աչքը մնացել է նրա ճամփին:

Կարծես 80-ամյա Դիլանի համար է ասված՝ Եսերը անհազ սովի պես...

80-ամյա Դիլան և այդքան անհազ սեր. հակադրություն նույն մարդու մեջ, նույն մարդու հոգու և վիճակի միջև, և տարածվում է իր բազմեղանգությամբ ու խաղերով անընդգրկելի մի տրամադրություն, նույնքան անընդգրկելի և ներշնչ, որքան կյանքն ու մահը, նույնքան անընդունելի ու բազմախորհուրդ, որքան կյանքի սերն ու մահվան ողբերգությունը:

Կյանքը՝ պաշտած կին է Դիլանի համար, պաշտած, բայց ուրիշի կին դարձած Սոնա, հավերժորեն սիրելի, երազորեն տենչալի: Կյանքը միջնամիջ էր իր երգով՝ կախ-կղա, շախ-կղա, որ որսացել էր ուրիշը, և Դիլանին թվացել էր. թե ինքն էր որսացողն ու որսատերը. թե՛ հակառակ էր շիմացավ Դիլանը: Կյանքը սեր էր, երազ, ավելի ցավ ու սպասում, և գիտե, և չգիտե. կյանքը Դիլանը, իսկ մահը...

Բակապես «սանյութեղեն» գործ—դիպուկ է գտել Զարենցը. գործ, որի ծննդաբանությունը. ազգակցական կապերը. Եթե փնտրելու և պարզելու լինենք, նորից կկանգնեն մեծ Թումանյանն ու Իսահակյանը՝ համաժողովրդական աշխարհազգայցման իրենց անընդգրկելի խորությամբ:

Նույն ակունքներն ունեն «Բնածորում» տեղավորված պատկերները կամ իրեն՝ հեղինակի խոսքով ասած բրոնխիտները, որոնք Բակունցը համարում էր անհրաժեշտություն գրականության համար: Դրանք իրական գեպերն են, նույնքան իրական, որքան Թումանյանի «Բերդեր» շարքի գործերը. ավելին, Եթե կարելի է այսպես ասել, դրանք գերիբական են, գերհավաստի:

Չկա բաղաբարնակ, ծագումով գյուղացի հայ, որին պատահած չլինեն կյանքում Թումանյանի փոխ տեղանք իր հանրահոշակ «բա ի՞նչ անենքով», Գարո բիճան. չես գտնի մեկին ավագ և միջին սերնդի մարդկանցից, որին զարմացնի նետոյի բարարալնիսը:

Առանց տատանվելու նույնի կարելի է ասել այն անեկզոտիկ, հաճախ ողբալի արարքների մասին, որոնք վերարտադրված են Բակունցի «Մրոց», «Գյուլբահարի համար», «Ծիրանի տափ», «Նաղաացավ» և այլ գործերում:

Հայկական այդ ո՞ր գյուղում է, որ առաջին մեքենան չի ընդունվել այնպես, ինչպես Մրոցում. հարալ զցած, մեծ ու փոքր իրար խառնված, ասես աչք դարձած՝ խոնված մեքենայի շուրջը: Այդ որտե՞ղ է, որ չեն եղել Մրոցի բնակիչների ենթադրություններն հիշեցնող ենթադրություններ, որ չեն գտնվել գիտակ ձևացող մեկը կամ երկուսը Մրոցի նախագահի պես, նրա նման անեկզոտիկ վիճակով, որտե՞ղ է առաջին պահին տրիկերն ընդունվել որպես տրիեր. տրակտորը տրակտոր:

Բսկ դրմբոնցիների սարքած պատմությունը տեր Մարութի գլխին («Գյուլբահարի համար»): Հագիվ թե կարելի լինի գտնել սրեւ, գյուղ, որ քսանական թվականների սկզբներին, կամ հենց հետո, ունեցած չլինի իր տեր կամ պարոն Մարութին, որ ընկած չլինի դրմբոնցիների դուր-խյունն հիշեցնող անհարմար վրտվյալ մեջ: Քսանական թվականների սկզբներին, երբ ժողովուրդը գեռես չգիտեր ինչպես օգտվել իրեն տրված իրավունքներից, չգիտեր որոնք են այդ իրավունքները, և շշլված կարող էր զարմանալ. թե ինչպես կարող է դատարանն արդարացնել Մարութին, եթե ամբողջ գյուղը վկայում է նրա պիղծ կապը Գյուլբահարի հետ, և ընդհակառակը մեղավոր ճանաչել Յախշուն, որ գյուղի կամքով հսկել ու հայտնաբերել է նրանց կապը:

Մի ամբողջ գյուղի մասնակցություն գեպրերին, ավելի ճիշտ, նրա ողջ կազմի վերաբերմունքը այս կամ այն երևույթին, և դրան զուգորդող հեղինակային վերաբերմունք այդ իսկ վերաբերմունքի, աշխարհընկալման նկատմամբ. այս է բակունցյան պատկեր-քրոնիկոնների ընդհանուր կառուցվածքը:

Այս եղանակով է Բակունցի գործերում հորդում գյուղական աշխարհագրաման տարերքը նահապետականության վերջնական կործանման ցնցումներով ու ցավով, միամտությամբ, սահմանափակությամբ, թուլություններով, բայց և ուժով. ասես բնատուր մարդկայնությամբ, բարին զգալու, ավստասլու, նրա համար խիզախելու կորովով: Եվ այս ամենը միասին, կողք-կողքի, իրար հետ միախառնված, օրգանական մի միաձուլ Ներդաշնակությամբ:

Այսպես բազմազան տարրերից է հյուսված նաև իրեն Բակունցի վերաբերմունքը. սեր, ակնածանք, հպարտություն և այդ հպարտության միջից պոթկացող ցավ, թախիծ, որ հեշտությամբ կարող է փոխվել հումորի, ծաղկող ծիծաղի, հնչել լիահնչյուն շնորհով կամ ցավով ու ավստասնով, և այդ ամենը նույն երկում, գեղարվեստական նույն հյուսվածքի մեջ:

Թերևս հենց այստեղ էլ հարկ է խոսել Բակունցի վերաբերմունքի մասին դեպի գյուղական ավանդական կյանքը, մի շատ նուրբ հարց, որ կապես չափազանց կարևոր է Բակունցի ողջ վաստակի գնահատության համար:

Ասում ես ավանդական կյանք և անմիջապես առջևդ է դուրս գալիս Մինա բիրին՝ աղերսալից հայացքով, փլված սրտով, մոլորված, իր մեկ հատիկ բաղձանքով՝ խորթ, օտար չլինի իրեն, իր հոգուն, իր աշխարհքին հարազատ թողու: Նույնքան բնական, նույնքան սրտառուչ մի ցանկություն, որքան խեղճ Գիթորի ցանկությունն է. «Էս մեր աղբրի ջրիցն եմ ուզում», «ես իմ նանին եմ ուզում»:

Տենչում է Մինան, և ո՞ր տատն ու պապը չեն տենչում այդ, ո՞ր հայրն ու մայրը, սերնդասիրության ավանդական զգացմունքով, որ մարդկային ամենաազնիվ զգացմունքներից մեկն է՝ կյանքն իմաստավորող, ասես, մարդուն կյանքի, ժողովրդի հավերժության հետ ձուլող, մահվան հետ հաշտեցնող:

Տենչում է, և ի՞նչ մեղք ունի Մինան, որ իրեն նման լինել՝ նշանակում է ավարի և ծխի բուրմունք ունենալ, ճաքճքված կոշտացած ձևերը, աստվածապաշտ լինել և աստվածապաշտ Այս է Մինան, և նրա թուր արդեն այդպիսին չէ և չի էլ ուզում լինել:

Եվ ահա հյուսվում է մարդկային ցնցող մի ողբերգություն, որտեղ հակասական բնույթով գալիս խաչարկվում են երկու մոտիվ, երկու թեմա՝ հեղինակային երկու վերաբերմունքով: Ավանդական հետամնաց կյանքի, տգիտության կործանման անհրաժեշտության մոտիվը և այն, որ այդ կյանքը որպես այդպիսին վերացական, ինքնին մի բան չէ, այն գոյություն ունի իր կոնկրետ կրողներով, Մինա բիրու նման ազնիվ, բարձր հոգի և ձգտումներ ունեցող մարդկանցով, որոնց ապրած կրկնակի ողբերգությունը չի կարող չարժանանալ ամենախորր կարեկցանքի:

Մանավանդ, երբ այդ Մինա բիրին գուցե քո մայրն է, նրա թուր քո որդին կամ դուստրը. և դու մեջտեղ կանգնած հազար թևերով կապված ես և մեկի հետ, և մյուսի՝ քո հոգով, քո աշխարհով և ամենակարևորը՝ մանավանդ, երբ դու գրող ես, և պարտավոր ես, կոչված ես պատասխան տալ այդ հարցերին ոչ միայն պատմության անունից, այլև մարդկայնության: Իսկ Բա-

կունցի հերոսները, բոլորն էլ Մինա րիլու նման նրա հարազատներն են, հարազատ հայ գյուղացիներ ու գեղջկուհիներ, հողի և աշխատանքի հասարակ ազնիվ մարդիկ:

«Մթնածորի» բոլոր էջերում, բոլոր հերոսների կողքից, թիկունքից կանգնած է Ակսելը՝ իր ժողովրդի հետ ձուլված քաղաքացին, գրողը, իր ժողովրդի պես լայնասիրտ ու մարդկային:

«Մթնածորով» այսպես սկսեց Ակսելը իր ճանապարհը և այսպես էլ շարունակեց նա՝ հաստատուն, անշեղ, մաքառելով իր արվեստի համար: Թումանյանի և Իսահակյանի զարմից էր էա արվեստագետի իր կերտվածքով, և դժվար էր, համարյա անհնարին, շեղվելը այդ կերտվածքից:

Աշխարհագրագիտական արձակ է Բակունցի արձակը, եթե ընդունելու լինենք, որ այդ րառով է բնութագրվում և առանձնացվում Թումանյանի անգնահատելի մեծությունը: Աշխարհագրագիտական արձակ է այն, ճիշտ նույն պրոցեսի բերումով և նույն յուրահատկություններով, որոնցով բնութագրվում է մեր օրերի առաջավոր գաղափարներով տոգորված համաշխարհային արձակը:

ВСТУПЛЕНИЕ БАКУНЦА В ЛИТЕРАТУРУ

А. Г. ЗАКАРЯН

(Р е з ю м е)

Рассказы сборника «Мтнадзор» ознакомили вступление Акселя Бакунца в советскую армянскую литературу. Они обогатили армянскую прозу повествованием о драматических событиях жизни армянского народа, вступившего в советскую эпоху.

Проза Бакунца — проза мировосприятия, мироощущения; ее искусство связано с туманяновскими традициями эпического повествования о людях крестьянского мира. Отсюда главная особенность прозы Бакунца — эпическая система раскрытия соотношения человека и мира, человеческой судьбы и психологии. Это особенность не только «Мтнадзора», но и всего бакунцевского творчества.